

XVI
13/2

DEO CLEMENTER GUBERNANTE

&

MAGNIFICO, NOBILISSIMO & AMPLISSIMO

*Ac*torum Ordine

In inclytâ Argentoratensium Academia
permittente

SVCCESIONEM FEVDALEM

Pro Licentiâ

Privilegia & Honores in Utroque Jure
summos ritè consequendi

publicè venilendam exhibet

JOH. FRIDERICUS FUGMANNUS,
Belzigensis Saxo.

Ad d. 21 Martij

Anno cto 1744.




ARGENTORATI

Literis GEORGII ANDREÆ DOLHOPFFII,

Imprimebat JOHANNES Schütz.





Admodum Reverendo, Nobilissimo, ac Excellentissimo

V I R O

DNO. JUSTO GÖFFING/ SS. Theol. Doctori celeberrimo, & apud Rudelstadienses Superintendenti Generali gravissimo, nec non Consistorii ejus loci Assessori dignissimo, &c. Patrono benè de se merito.

Nec non

Amplissimo, Spectatissimoq; Viro

DNO. NICOLAO FUGMANNO,

Quæsturæ Belzigensis & Rabensteinensis Præfecto
meritissimo, Patri optimo.

ANxiè præsentium, nominibus vestris clarissimis, inscriptarum pagellarum rationem reddendam non arbitror, si meam, ex pio & obsequioso etgæ Vos affectu, profectam hîc audaciam profitebor. Cùm enim tempora, quibus fundamenta eruditionis posui, considero, Te, maximè Reverende Vir, Præceptorem fidelissimum semper prehendi, qui mentem meam, instar tabulæ rasæ, ad præclara studia præparasti, adeò, ut sine Te, alicujus eruditionis opinionem attingere, vix licuisset. Dubito itaque, an non Te, Præceptorem optimum, præponam parenti. Sunt quidem parentes à DEO vitæ nostræ authores: sed Præceptores, non solum ut vivamus, verùm etiam, ut rectè vivamus, parentibusquæ gaudio, & aliis emolumento simus, efficiunt. Sed, quanquam hæc in parte, ipsorum laus ad astra tollenda est; dulcissimorum tamen Parentum beneficia, vel parùm, vel nunquam recompensabimus. In perpetuè igitur gratitudinis testimonium, atq; obedientiæ signum, has theses inaugurales Vobis offero. Suscipite benevolo animo eas, & meis studiis, meisquæ conatibus favere, atque pro re natà mihi, vestro promovendi studio subvenire, haud dedignamini.

V. plur. Rever. Excell.

& Amplit.

obsequens

JOH. FRIDERICHUS FUGMANNUS,
Autor.

IN NOMINE JESU!

Quandoquidem secundum JCrum Paulum, ea, quæ quotidiana sunt, & quæ usum in vitâ communi habent, diligenter sunt addiscenda: idcò me operæ precium facturum existimavi, si in naturam successionum, quibus in foro & judiciis feudalibus nihil ferè frequentius, paulò altius inquirerem. Implorato itaque auxilio divino, sit.

THESIS I.

In tabulis Consuetudinum feudalium clavis verbis consignatum est, Successionem modum acquirendi feudum esse 2. Feud. 1. §. sciendum; ibi: *ac Feudum neminem posse acquirere nisi investiturâ, aut successione*: 1. F. 8. & 2. F. 33. in pr. Quamvis autem prima investitura basis atque fundamentum reliquarum investituræ renovationum sit, ac ut causa subternatur atque aperiatur successione, inde tamen non efficitur, Successionem non esse singularem acquirendi Feudi modum; siquidem quod pater primo novâ investiturâ feudum acquirit, hoc eâdem filius non acquirit, sed successione, ac uti pater per propriam investituram consequitur possessionem, de quâ intelligi potest, quod 2. F. 2. in pr. *investitura dicitur possessio*, ita, patre mortuo, eadem in filium non devolvitur, sed denuò corpore & animo, per investituræ renovationem & actualem apprehensionem acquirenda est: ac largiar, quod filius mortui vasalli habitualement ac potentialem possessionem feudi habeat ratione primæ investituræ, realem tamen ipsi abjudico, si nondum apprehenderit actu: ac intuitu illius habitudinis verum est, quod §. sui 2. Inst. de hered. qu. & differ. habetur: *filium, vivente patre, quodammodo dominum esse bonorum paternorum*. Successio igitur est acquisitio Feudi illius, quod, deficiente Vasallo, successorum feudorum placitis obvenit: Magnif.

4

Dn. Strauchius, Affinis, Dominus atque Patronus meus magni
semper æstimandus. *Disp. 1. Succes. ab intestato lib. 33. & Dn. Ludvvell.*
vür in d. 7. loit, de Succes. Feud. c. 1.

II.

Notum autem est, duplicem esse Successionem, Testamen-
tariam, quæ ex testamento, & Legitimam, quæ ab intestato defer-
tur l. 39 ff. de acquir. vel amit. hered. Utraque recepta & usitata est in
bonis allodialibus, ut, de quibus testatori sine ulla dubio liberum
est, testari ac disponere l. 1. C. de SS. Eccles. Quod si testamentum
non fecerit, lex supplet quasi voluntatem defuncti & successio-
ne legitimâ eis bona, qui proximè fuere defuncto conjuncti,
tribuit, quasi ea suprema voluntas fuerit ejus, qui moriens al-
iam non expresserat voluntatem, uti habet Excell. Dn. Struv.
in *Syntagm. jur. feud. c. 9. n. 4.* Dico, aliam non expresserat volunta-
tem, in legitimâ enim successione tacita defuncti voluntas apparet,
dum succedendi locum legitimis heredibus ipsemet esse voluit, per
l. 8. §. 1. ff. de iure Codicill. Si verò conditum ritè testamentum infirme-
tur modis in jure prodictis, ac ita causa testati ad intestati causam re-
cideret, huic tacitè consensisse testator dici nequit.

III.

In feudis successio testamentaria regulariter nullum sibi ven-
dicat locum, prout feudista scribit l. F. 8. ibi: *nullâ ordinatione*.
Per testamentum enim res, super quâ disponitur, alienatur l. peto 69.
§. fratre 3. ff. de Leg. 2. Alienationem autem feudi prohibitam esse,
patet ex Conf. Imp. Lotharii 2. F. 52. & Friderici 2. F. 55. Deinde,
quando Dominus feudum alicui simpliciter concedit, videtur illi
ac ejus heredibus, sive posteris ab ipso descendentibus prospicere
voluisse. Dn. Struv. d. loc.

IV.

Sunt, qui existimant, de Feudo novo in præjudicium filiorum
testamentum ordinari posse vel simpliciter, vel accedente Domini
consensu: ut Dn. Rittersh. Parit. Feud. lib. 1. c. 12. qu. 6. dum scribit:
Excipitur Feudum novum, de quo accedente consensu & per-
missu Domini, aut certè subsecutâ ratificatione, vasallus testa-
ri potest, ne proinde etiam uni ex filiis id prælegare possit. Ra-
rio dif-

ratio differentia inter Feudum antiquum & novum, cur inquam de illo non possit vassallus quicquam disponere testamento, vel uni filiorum illud praelegare, de hoc possit, est hac: Quia in illo praedictum fieret vel agnatis, vel ceteris liberis, quibus non debet jus semel quaesitum ex tenore primae investiturae auferri. Quod secus est in feudo novo. Nam quod ego primum mihi acquisivi, quare non possim meo arbitrio alienare, cum per id nemini sim nociturus. Hæc Ille. Sed quod pace & venia tanti JCTi respondeant, veriore puto contrariam sententiam, quæ & juris textibus probatur, & ex verbis Rittershusianis sponte fluit: Textus verò sunt l. f. 8. ubi in frontispicio dicitur. Si quis decesserit filiis & filiabus superstitibus, succedunt tantum filij aequaliter, vel nepotes ex filio loco sui patris: NULLA ORDINATIONE DEFUNCTI in feudo manente, vel valente.

Ecce pater decessit Feudum relinquens, novum an verò antiquum, nihil interest; si enim interesset, puto id JCTus in hoc famosissimo textu expressisset: Is pater si de Feudo etiam novo fecerit testamentum, id invalidum ac nullum est: hujus denegatae ordinationis testamentariae facile ex l. f. 1. §. 1. in fin. ratio indagata est, nempe quod in primâ acita novâ investiturâ radicatum jus habent liberi, & qui ab iis nascuntur; tùm ex intentione dantis, tùm accipientis Patris feudum, qui sibi, liberisque suis in feudatus acquirere voluit. Atque hoc Dn Rittershusii verba ipsa evincunt, ex quibus argumentaretur.

Quibus non debet jus semel quaesitum ex tenore PRIMAE INVESTITURAE auferri, in eorum praedictum de novo feudo fieri nequit dispositio paterna testamentaria.

Sed liberis non debet jus semel quaesitum ex tenore PRIMAE INVESTITURAE auferri. E.

Minorem Propositionem concedet Dn. Rittershusius, aut qui ejus sententiam sequetur. Majoris connexio satis communi sensu obvia est, siquidem prima investitura est nova investitura; illi verò primæ Dn. Rittershus. jus liberorum acceptum refert, quod utut potentiale, & tanquam in herba sit, eidem tamen praedictare nequit

quibit parēns. Noc prælegato locus patet & potest, cū vi primæ concessionis descendentes æquale jus quæsitum habent, quod citra eorum factum, i. e. consensum adimi non debet *d. 1. F. 8. & 1. F. 13. §. etsi clientulus. l. 10. §. fin. D. d. bonor. poss. cont. tabb.*

V.

Relictā successionē testamentariā, de Successione ab intestato agendum erit. Ea autem in feudis minus propriè ita nuncupatur. Intestati enim propriè appellantur, qui, cū possint testamentum facere, testati tamen non sunt *l. 1. in pr. ff. de suis & legit. hered.* Cū verò de rebus feudalibus testari Vassallus non possit, ejusque ordinatio ultima nulla sit, & inutilis *1. F. 8.* Planè eum, qui testari non potuit, propriè intestatum dicere non licet. Atque sic etiam impropiè hæc successio feudalī ab intestato salutatur: Rectius ergo legitimam hanc successionem nomino cum Giphā. *antin. jur. feud. disp. 5. n. 9.* in quā non tam attenditur, cui succedatur, quam quis succedat.

VI.

In succedendo tres ordines sive lineæ, jure quidem civili occurrunt. *Novell. 118. in praf.* Ut sunt (1.) Descendentes seu liber naturales & legitimi simul, qui ex justis nuptiis legitimoque thoro, seu matrimonio nati ac procreati sunt. *pr. Inst. d. patr. potest. l. 3. & l. filium 6. ff. de his qui sui vel alien. jur. sunt.* Germanicè *Ehlich gebohrne Kinder.* Ideò autem nomen naturalium adipiscuntur, quia secundum naturam ex parentibus sunt procreati. Legitimi simul eam ob causam nominantur: quia ista conjunctio parentum, ex quā nati sunt, à lege divinā, humanā, civili & canonicā est approbata, ut constat ex *tit. 10. Inst. d. Nupt.* (2.) Ascendentes seu Parentes, quorum appellatione veniunt non tantū parentes usque ad Tricavum propriè sic dicti: sed & ultiores, qui non habent speciale nomen, & Majores appellantur *l. 1. C. tit. 10. §. parentes 7. ff. de gradib. & ad fin. (3.) Collaterales sive Transversales.*

VII.

Ascendentes à feudi successionē remouentur, per text. *2. F. 50.* Ubi dicitur: *Successionis feudi talis est natura, quod ascendentes non succedunt: v. g. pater filio, inferius verò filius patri succedit.* Die Lehen fallen vom Vatter auff den Sohn/ aber

7.
abet nichivom Sohn auff den Vater / Uti habet jus Saxon. *Lehnv.*
c. 6. & c. 21.

VIII.

Et hoc tam de feudo Novo, quàm de Antiquo est accipiendum. De illo quidem minor est dubitatio, quod in primâ investiturâ inter Dominum & Vassallum hoc actum esse intelligatur, ut feudum ad investitum, ejusque posteros, non etiam parentes pertineat. 1. F. 14. §. Capitanei, ibi: prædicti fratres. 2. F. 23. in fin. ibi: ut ad eum, heredesque suos masculos. Deinde etiam, quando Vassallus moritur sine descendantibus, ex juris feudalis dispositione feudum reuertitur ad Dominum, & non ad Patrem, vel alios Ascendentes. Udalr. Zas. *part. 8. d. feud. n. 2.*

IX.

De Antiquo feudo non minus id est verum, tum ob generalitatem regulæ 2. F. 50. *pr.* tum etiam, quod feudi paterni hæc sit natura, ut ab ascendentes in descendentes, ac ordinariè filius aut nepos in feudo, non nisi defuncto avo aut patre succedere possit. vid. Dn. Struv. *Synagm. jur. feud. d. c. 9. th. 3.* Quæ quidem repulsâ, quam in bonis liberorum parentes ferunt, contra jus naturale humanum seu rectam rationem minimè est, hujus enim sanctitatem & æternitatem ita semper casta Romanorum pectora magnificè, ut humanâ legislatione tolli passî nutrum sint. Sed observes velim, variè dici aliquid esse juris naturalis juxta CL. Hahn. *Observat. ad Wesenb. v. d. inst. & jur. n. 15.* Scilicet alia, quod propriè juris naturalis sit, quod est ex dictamine rectæ rationis; deinde notat ea, quæ fundamentum habent in conditione naturali, licet simpliciter non precipiantur à jure Natura, ut filium succedere patri ab intestato: quia licet id non præscribat omnino lex naturalis, ad id tamen inclinat, & quasi naturaliter sequitur, nisi aliud impedimentum imponatur v. g. per causas exheredationis. Hæc ille: Si itaque successio liberorum in bonis paternis ne quidem juris naturæ est. eaque ob ingratitudinem auferri potest voluntate privatorum, quid dicendum de successione Parentum, quibus si sequi licet. CL. Sutholtum, *Dissert. IX. ad Inst. th. 39.* ne quidem jura Natura legitima de-

ina debetur; illam nempe successionem à lege publicà prohiberi potuisse, achinc pro jure Morum Feudalium concludendum, justè à feudis liberorum semotos fuisse parentes: Nec destituimur civilibus rationibus, utpote quod hæc successionis feudalis natura sit, quod ascendentes non succedant 2. F. 10. cuius rationem à communi hominum affectione petimus, qui sibi ac suæ posteritati consilere omnimodo volunt. Deinde illa in 1. F. 1. §. 1. primæ va feudorum natura strictam recipit interpretationem: sc. quod postea, cùm in feudis Successio placuisset, hæc in parentibus pristinum statuit, ut non succedatur, retinuerit: & quod Arcanum Reipubl. Langobardicæ videri poterat, ad Parentes idè Successio producta non fuit, quò citius utile dominium cum directo consolidaretur. Cofisule Janum ab Arcedurà cap. 2. conclus. 7. Feud. à n. 6. Dn. Struv. d. cap. 9. sh. 3. num. 2.

X.

Dantur tamen casus singulares, quibus successio Parentum in feudis admittenda. Si vel in feudi concessione sive investitura id expresse actum sit; ut Vassallo, sine masculà prole defuncto, feudum ad ejus parentem pertineat. 2. F. 84. ibi: *nisi nominatim cum domino pactus fuerit*. Ubi, contractà fiducià, pater filium de feudo à domino suo curavit investire, eà finì, ut filio præmortuo recurreret ad se feudum. Harpr. in Comm. ad Inst. de hered. quæ ab intest. defer. n. 382. Vel quando filius respectu patris, ob ejus servitià & benè merita de feudo fuit investitus, per l. 6. in fin. ff. de Coll. bon. Ubi dicitur: *non est infavorabilis sententia*. Quæ verba applico ad casum nostrum. Non est infavorabilis sententia, quod propter illum vel ejus meritum datum est. In veteri seu paterno, successio hæc tùm potissimum locum habet, si pater vel avus superstes, in favorem filii sui vel nepotis, feudo suo renunciavit. Quoniam hoc casu pater, non tanquam filii successor, sed primi acquirantis, & post succedentium habetur. Corv. aphor. jur. feud. lib. 2. tit. 4. Quo pertinet etiam, si feudum sit merè hereditarium. Nov. 118 c. *signitur defunctus 2*. Vel si consuetudine, vel statuto illius loci, in quo feudum, de cujus successione agitur, situm est, hoc sit receptum. Harpr. loc. cit. n. 385. Sed ad Descendentes descendo.

Descendentium appellatione veniunt liberi, i. e. non solum filii & filiae, sed etiam nepotes neptesve. *Cotv. aph. jur. feud. lib. 2. cap. 5.* Ratio est: quoniam naturalis ratio, quasi lex quædam tacita liberis parentum hereditatem adjicit, ad debitam Successionem eos vocandol. *7. ff. de bon. damn.* Unde *Grot. lib. 2. c. 7. n. 5.* ait: *liberos hereditas sequitur, partim quidem ob præcisum debitum naturale, partim ex conjecturâ naturali, quâ parentes creduntur id velle, ut liberis quàm optimè prospectum sit.* Requiritur autem in successione feudali, ut ex sanguine primi acquirentis, per lineam masculinam legitime sint propagati *2. F. 31. in fin. ibi: dum tamen hos constet ab eo, qui id acquisivit per masculos descendisse.* Non enim videtur Dominus feudum concedere aliis, quàm investito, ejusque descendantibus, nec de aliis successoribus cogitasse, adeoque iis non exstantibus ad Dominum revertitur. Et hoc ipsum in investituris solet exprimi verbis: *sûr sich und seine Erben, & heirs. Erben*: quibus heredes ex corpore investiti descendentes significantur. *Dn. Struv. synt. d. cap. 9. th. 2.*

XII.

Et quidem Successio hæc in infinitum sese extendit, per text. expressum *2. F. 11. v. his verò deficientibus.* Hic vocatur simpliciter & in genere agnati ulteriores. Sed illi, qui sunt ultra septimum vel decimum gradum, etiam sunt agnati. Dubitandum igitur haud est, quin agnatorum Successio non circumcludatur septimo vel decimo gradu. *2. F. 31. in fin. 2. F. 50. v. ex latere omnes.* Obj. infinitatem esse vitandam. *¶.* Nos determinare & restringere non debemus, quod leges optimâ ratione infinitum esse voluerunt. Unde ea infinitas tantum vitanda est, quæ legibus & rationi est contraria. Obj. *§. 6. Inst. de hered. quæ ab intest.* *¶.* Quoniam ibi nepotum & pronepotum mentio sit tantum exempli causa. Exempla autem regulam non stringere, sed illustrare solent. *Harp. Comm. Inst. de hered. quæ ab intest. def. n. 74.* Obj. *c. quia. §. hoc quæq. 4. l. f. l.* Ubi ad septimum gradum restringi hæc successio videtur. *¶.* Ita quidem olim obtinuisse, sed usu paulatim immutatum, & successionem in infinitum potrectam esse.

In feudis Regalem Dignitatem annexam habentibus, aut aliis, ubi jus Primogenituræ locum habet, si ex primogeniti filio præmortuo adsit nepos, cum quo secundo genitus filius seu patruus concurrat, uter alteri sit antelocandus, non calamis tantum, sed & telis agitata quaestio est: siquidem ob eam plurima bella exorta fuerunt, & Otto Imper. citante Gudelino *de jure Feudorum* p. 3. cap. 4. §. 12. & Fr. Hotm. *quaest. Illustr.* 3. pag. 856. cum talis controversia incidisset, cerneretque Consultos tam parum inter se consensire, Monomachiae negotium commisit Martis judicio, quasi divinitus decidendum, ac addit Cujac. *Commentar.* 1. *Feud.* 4. quod celsit victoria his, qui nepotes computarunt inter filios: *Quilib.* 2. *Feud.* 11. pro nepotibus plura ex Historiis exempla recenset: Horum Nepotum justiore quam Patruum puto esse causam: Quia feudalis hereditas semel uni prosapiae quaesita, quamdiu in ea masculus supersit, ad alteram non transfertur 2. *F.* 31. *in fin.* & 2. *F.* 50. ex quo necessario efficitur, nepoti jure Suitatis deberi successione, vi cujus in locum patris vacue factum intrat, quem & gradu, & ætate, & sexu, & omnibus quæ inhærebant qualitatibus repræsentabit. Consule Gudel. *d. l.* Schnobel. *Disput.* *Feud.* 1. *th. fin.*

XIV.

Æquum omnino est, liberos æquali gradu positos, æqualiter & æquo jure in Feudis succedere debere (possunt verò uni eadem feuda cæteri, si ipsis aliunde satisfiat, relinquere 2. *F.* 50.) adeò ut distingui non debeat, an Feudum sit Regale, vel non Regale: Olim quidem in Ducatu, Marchionatu, & Comitatu nemo succedebat, nisi hæc eminentissima Feuda ab Imperatore per investituram acquisivisset. 1. *F.* 14. *pr.* postea verò consuetudine aliud usurpatum fuit. 1. *F.* 13. *in fin.* quæ Consuetudo Legis vim meritisimo suo habet. Quam consuetudinem censeo cum Obrecht *de jur. Feudor.* lib. 2. cap. 13. n. 64. à Friderico Imperat. 2. *F.* 55. approbatam esse; siquidem in toto *Tit.* 55. ad unum tantum spectare debere Regale feudum haud dicitur: & si ob §. 1. excipias, ne summa feuda dividantur, clarissimum inde efficitur, posse in tali feudo totam e. gr. regiam domum in infinitum succedere, ita tamen, ut major natu cæteris præferatur; de quo quidem *d. §.* 1. explicitè textus non loquitur,

quitur, sed cùm Marchia inter plures filios non sit dividenda, utique uni eorum, quem majorem natu esse oportet, soli successio patula erit. Hoc Primogenii Jus Carolus IV. Imp. in suâ Chrysobullâ cap. 7. repetitum ivit his verbis: *Statuimus & Imperiali Autoritate presenti lege perpetuis temporibus valitura decernimus, ut postquam iidem Principes Electores Seculares, & Eorum Quilibet esse desierint, Jus, Vox, & Potestas. Electionis hujusmodi ad filium suum Primogenitum, legitimum, Laicum: Illo verò non existente, ad ejusdem Primogeniti Primogenitum similiter Laicum, liberè & sine contraditione cujuscumque devolvatur. Si verò Primogenitus hujusmodi absq; heredibus masculis, legitimis, laicis, ab hac luce migraret, virtute presentis Imperialis Edicti, Jus, Vox & Potestas Electionis prædicta, ad seniore[m] Fratrem Laicum per veram paternam lineam descendentem, & deinceps ad illius Primogenitum Laicum devolvatur. Et talis successio in Primogenitis & heredibus Principum eorundem, in Jure, Voce, & Potestate præmissis, perpetuis temporibus observetur.*

XV.

Circa quæ accedit quæstio isthæc. An is primogenituræ jure fruatur, qui alios quidem nativitate præcessit: eo autem tempore pater illius regnum, de cujus successione agit, nondum acquisierat. Et quidem Dd. prius nato regnum adjudicant; quia hic ordine nascendi & naturâ ipsâ jus quartum habet. E. Hoc ei per alterius nativitatem non debet eripi. Et quia de conditione heredis, antequam successio ad eum pertineat, non est quærendum l. 52. ff. d. Leg. 2. utique post mortem patris primogenito successio competere incipit. arg. l. 1. §. si impubere 21. ff. de Collat. bon. hic, qui ante regnum natus, & ætatis privilegio naturæ quæ felicitate primus est, meritò cæteris præferri debet Obr. cit. loc. n. 68. Adversarium hîc habet Primogenitus Noster Udalricum Zasium part. 8. de Feudi successione n. 66. ita scribentem. *In quibus dignitatibus nec prætereundum erit, quod consuetudo, quæ super successione*

Primogeniti usurpata est, intelligitur de Primogenito, qui in statu Dignitatis, NON ANTE, natus sit: nam qui ante natus est, quam Marchionatum vel aliam Dignitatem pater adeptus esset, posthabebitur ei, qui post adeptum Marchionatum sit genitus. ac Illustrem & Generosiss. Du. Fridericum Schenck, Liberum Baronem à Tautenberg Tr. de Feudilib. 1. Tit. 14. n. 16. Postremo, aientem, cum diceret consuetudo, Primogenitum Regis in paternum Regnum succedere debere, & quispian habens filios, Regnum aliquod consequatur, ille primogenitus, qui Patre jam facto Rege, natus est, ad successionem Regni vocabitur: non autem ille, quem ante Regnum susceptum genuit; idq. probari videtur per l. Senator 11. C. de Dignitat. Quamquam L. Senatoris filium s. ff. de Senator. contrarium indicare videatur. Sed prefatal. senator C. d. Dignit. ut recentiori standum esse, probabiliter dici poterit. Sed de sententiâ meâ ut dimovear, adduci nequeo. Video verò, pugnari pro parte alterâ textibus ex Civili jure accersitis: benè; sunt enim leges Romanæ dignæ & sufficientes quandoque, ut iisdem controversias Principum decidas. Monere insuper habeo, frustrâ L. Senator C. Legi Senatorii filii s. ff. opponi: quoniam Pandectarum & Codicis jura ita suaviter conspirant, ut in iisdem contrarium nullum sibi locum vindicet, nec inveniatur, si quis subtili animo diversitatis rationes excutiat §. 11. Constit. de Confirmat. Digest. ad Senatum & omnes populos: Nec potest Illustris à Tautenberg adeò alienus esse à partibus quib. ego sto, dum l. s. ff. de Senator. opinioni, quam tuetur, contrariam esse, quàm ingenuè fatetur. Tempus est, ut l. 11. C. de Dignit. ad lydium juris lapidem revocemus, cum eidem Adversarius unicè innitatur. Jam nisi Regulæ bonæ interpretationis fallunt, ex d. l. 11. C. tale argumentum extrui poterit:

Quibuscumque filiis paternos honores invideri non oportet, iidem necesse est, sint Senatoris vel Clarissimi Parentis liberi.

Sed filiis ante Patris Senatoriam & Clarissimatus Dignitatem natis, paternos honores invideri non oportet. E.

Filii ante Patris Senatoriam & Clarissimatus Dignitatem nati, necesse est sint Senatoris & Clarissimi Patris filii, ac consequenter Senatorii ac Clarissimi liberi.

Major propositio suâ luce radiat. Minor verò probatur; cùm in d. l. 11. C. paternis honoribus digni putentur liberi, nec iisdem defraudandi sint; dum enim in fronte legis dubitatio occurrit de filiis privatorum Patrum, an filii ad Dignitatem pòst aspirarint, hæc filiis honori esse queat, id ipsum in umbilico Legis, clarissimis verbis deciditur. Dum Mangnif. JCtum Augustinum Strauchium, olim Juridici Collegii Witteb. Dn. Ordinarium, nunc verò Sereniss. Elector. Sax. à secretioribus consiliis &c. *Disput. 3. Successionum ab Intestato ib. 10. d. l. 11. C.* eodem exponentem modo video, valde mihi de meâ sententiâ gratulor. Sunt verò Jurisconsultissimi Strauchii hæc verba d. l. *Alii etiam volunt L. istam potius thesin confirmare per verb. cum autem paternos honores &c. quibus asseri videtur, plebejos post acquisitam à Patre dignitatem fieri Clarissimas, cùm aliâs verba ista incongruum habeant sensum.*

XVI.

Sed quid si gemelli masculi uno partu edantur, quis inter eos gaudebit jure primogenituræ? ardua hæc est controversia. Ego existimo, eum, qui primus ex utero prodiit in lucem, exemplo Esavi & Jacobi *Gen. 25. v. 25.* cùm natura non patiaturo uno impetu duos infantes de utero matris excedere *l. 15. ff. de stat. hom.* Ubi verò constare non poterit, quis primus eorum lucem adspexerit, propter incuriositatem obstetricum, aliorumque præsentium, difficillima erit decisio. Sunt, qui utrumque admittunt, sunt alii, qui utrumque excludunt, plures digniorem præferendum judicant. Alii rem sorte dirimendam, suadent, quorum sententia procul dubio tutissima.

XVII.

Tenendum autem est, quod naturales & legitimi simul h. e. ex justis nuptiis procreati, vel sunt in potestate Patris, vel patria

potestate liberati, seu emancipati. *Corv. d. l. c. 5.* Emancipati non minus succedunt, ac liberi in potestate patriâ existentes; dum quod descendentes masculi generaliter & indistinctè ad successionem feudi vocentur *1. F. 1. §. 4.* tum quod etiam jure Civili novissimo emancipati cum suis æqualiter admittantur. *Novell. 118. c. 1.* Obj. Quoniam sublata est per emancipationem agnatio, sequitur, quod tantum cognati sint. *§. fin. Inst. d. legit. agn. tut.* quos in feudis non succedere plus quàm manifestum est. *per c. un. 2. F. 11. R.* Hodie emancipationem capitis deminutionem non esse, sed potius emancipatis, licet agnati non sint, legum tamen beneficio agnatorum jura quoad successionem per omnia & omnibus tributa esse *Dn. Ludvv. in Tr. jnr. feud. d. success. c. 3. p. 125.* Quando sunt in potestate patriâ, tunc aut soli extant, aut cum filiis & filiabus ex filio filiave præmortuo, præmortuave concurrunt. *Corv. aph. jur. feud. lib. 2. tit. 5.* Si extent soli filius filiave, jure civili in capita succedunt. Quia æquum est, eos æqualiter succedere, qui omnes in primo sunt gradu, omnesque pari & æquali jure nituntur. *Obr. tr. feud. lib. 2. c. 13. n. 55.* Jure feudali, sive feudum sit novum, sive antiquum, & sive hodie, non olim, sit regale, sive non regale, regulariter soli succedunt filii in capita *1. F. 1. §. 1. v. ad omnes equal. fil. 1. F. 8. v. tantum filii equal. Dn. Struv. Synr. jur. feud. all. loc. 1b. §.*

XVIII.

Nec interest, ut nunc lucem aspiciant, auræque vitali fruantur, sed eos in utero esse, sufficit *l. 4. C. de suis & legit. lib.* dummodo non monstrosâ aut prodigiosâ formâ, converso modo, *κατὰ τὴν φύσιν ἀρρεὰς* procedant *l. 3. in fin. C. d. posth. hered. instit.* Hinc in *l. 14. D. de stat. hom.* dicitur: *Non sunt liberi, qui contra formam humani generis converso more procreantur, veluti si mulier monstrosum aliquid, aut prodigiosum enixa sit:* Si enim ex homine alia proles quàm humana producitur, quod nascitur homo vocari non debet. Talis portentosus partus testamentum non rumpebat *d. l. 3. C. de posth. hered. instituend.* Lexque Romuli permittebat, ut idem sine fraude cædi posset, modo ita monstrosus esset, ut verè homo dici non posset. Sed in *L 135. ff. d. v. S.* monstrosus partus profuit parentibus. Respondetur enim, ibi **J**Ctum loqui *d. L. tul. & Pap.* (postmodum per *l. fin. C. d. infirm.*

pæn. calib. abrogata) ut ex inscriptione apparet, quâ pœna etiam erat constituta in conjuges orbitati studentes, ita ut orba mulier privaretur semisse eorum, quæ ipsi relicta erant. Ad eam pœnam evitandam proderant monstrosi quoque partus; non verò ut essent liberi & parentum propterea ad capiendas hereditates admitterentur.

XIX.

Similiter etiam succedunt filii in testamento præteriti. Quia non ordinatio Vasalli testamentaria, sed natura feudi inspicitur. Cùm certissima maneat regula juris feudalis, *nullam ordinationem defuncti in feudo valere*, 1. F. 8. in fin. pr. Quod si tamen feudum tale sit, in quo ordinatio defuncti subsistere possit: tum non negamus, justè exheredatos à successione feudi arceri, quia ut tùm ordinatio testamenti, ita etiam exhereditatio locum habere potest. Obrecht. d. l. n. 60.

XX.

Seminarium & Hermaphroditorum iniquum olim fatum fuit, Aruspices enim non patiebantur eos vivere: Jcti tamen nostri Androgynis benigniores fuêre, quos non modo vivere sinebant, sed & sexus rationem habuêre, qui in iis prævaleret l. 10. ff. d. stat. hom. Reverà enim sunt homines, hominumquè proprias actiones subire possunt; hinc Philosophorum distinctio est inter monstra, in quibus est secundum substantiam, & in quibus tantùm secundum accidens mutatio est.

XXI.

Recensitis ad hunc modum illis, qui in hac lineâ descendente succedere possunt, videndum consequenter de illis, qui non possunt. Ejusmodi sunt etiam liberi legitime nati, qui excluduntur ob sequentes causas (1.) Ob feloniam vel à patre commissam 2. F. 26. §. si vasallus culpam. vel etiam ab ipsis filiis. (2.) Quod aliàs sint indigni, ut succedant in feudo, veluti infames. (3.) Quod speciali pacto à successione sint exclusi, nimirum filii nati ex matrimonio admorganaticam contracto. Dicitur verò matrimonium ad morganaticam contrahi, quod eo pacto contrahitur, ut tàm uxor, quàm filii contenti sint dono nuptiali, quæ morgengaba (*Morgengab*) & corruptè morganatica dicitur, vel ejusmodi alia certâ portione tempore

tempore sponsaliorum, vel nuptiarum destinata. 1. F. 19. E. G. Vir nobilis uxorem habuit nobilem, ex quâ suscepit filios nonnullos, postea ducit mulierem ignobilem vilis conditionis eâ lege, quæ in pactis dotalibus exstat, ne filii ex secundo hoc matrimonio nati, in hereditate succedant, sed certâ portione bonorum, aut aliquâ pecuniæ summâ contenti sint. Obr. d. Tr. feud. lib. 2. c. 13. n. 71. Cujusmodi pactum non potest dici planè illicitum: cum enim jus ipsa naturæ successionem nullam determinet, potest quis, si usus id admittat, pacto etiam liberis suis, certam portionem assignare, & à successione illos excludere. Affirmat hoc Grotius: *contra*, dicens, *evenire potest, non ex lege tantum, sed ex pactione, ut qui ex conjugio nati sunt, alimenta sola habeant, aut certè excludantur à præcipuâ hereditate. Conjugium tali pacto initum, etiam cum liberâ fœmina, concubinatum Hebraei vocant, quale erat Abrahamicum Cethurâ, cujus liberi perinde, ut Ismael, ancilla Agaris filius, dona, i. e. legata a quadam acceperant; hereditatem autem non creverunt. Tale est matrimonium ad morgengabicam quod dicitur. lib. 2. d. l. P. & B. c. 7. n. 8.*

XXII.

Libris legitimè natis succedunt adoptivi. Qui jure quidem Civili cum aliis liberis æqualiter succedunt l. 5. C. de suis & legit. Non tamen jure feudali; uti apparet ex §. adoptivus 2. F. 26. Estque ratio, quia feuda dantur sanguini: Adoptio autem jus sanguinis non affert l. 23. ff. de adopt. Nec adoptivi liberi veri liberi sunt, sed adsciti & commentitii l. 76. ff. de Condit. & demonstr. & sic arte magis sunt, quàm naturâ procreati: nec propriè consanguinei dicuntur, sed impropriè §. per adopt. 2. Inst. de legit. agn. success. In tantum verò à feudali successione atque adoptivos oportet, ut ne quidem, si eâ fini, ut in feudo succederent, Imperiali Rescripto atrogati essent, in præjudicium agnatorum admitti possint. Rescripta enim quæ lædunt aliquem, ab omnibus judicibus refutari possunt l. 7. C. de presib. Imp. offer. & per cap. 8. de Rescript. in sexto.

Sed hic exceptio quædam datur (1.) Si cum arrogatione vel adoptione jura naturalia concurrant, veluti, si avus maternus nepotem ex filiâ arrogavit, qui aliâs avo succedere potuit. Et si verius sit, hoc casu nepotem, non jure adoptionis, sed jure naturæ; ac sanguinis succedere. (2.) Si feudum eo pacto datum fuit, ut adoptivi succederent, tum enim, quod ex jure feudorum fieri nequit, id ex pacto fieri potest, quia pacta etiam contra feudorum naturam appposita, valere solent. (3.) Si consuetudine vel statuto introductum esset, ut in feudis adoptivi succederent.

XXIV.

Illegitimè nati sive filii naturales, & vulgò nothi nominati, in feudis succedere nequeunt. Ratio est; quia honestè in curiâ Domini, inter tot nobiles personas stare, & coram Domino comparere nequeunt, & quia turpè & iniquum esset, ex concubinato natos, iis æquiparari, qui ex justis nuptiis procreati sunt. Rosenth. c. 7. concl. 19. n. 2.

XXV.

Hic spinosa occurrit quæstio: An etiam legitimati per subsequens matrimonium in feudis succedant? Myns. Cent. 5. Obs. 42. n. 1. & alii plures, hos in feudis non succedere affirmant. Quia jure feudorum simpliciter, & indistinctè omnes legitimati à successione feudi arcentur 2. F. 26. §. *naturales*. Nec tamen puto, Mynsingero, aut aliis, cum eo idem sentientibus, d. 2. Feud. 26. §. *naturales* patrocinari: Hoc enim ipsi adversarii largiter concedunt, quod dictus §. *naturales* de successione tractet. Jam confessi juris est, in Successione tempus delatæ hereditatis respiciendum esse; legitimatio verò per matrimonium fit vivo legitimatorum per Novell. 89. c. 8. & vide quæso c. 6. X. *Qui filii sint legitimi*, ubi vi matrimonii legitimatus pro verè legitimo habetur. Audiamus de præsentī re graphice verbis philosophantem J. C. ut Janum ab Arcedurâ c. 2. conclus. 7. n. 26. *Nuptiæ realiter intercedentes, an hæc videbuntur fictæ? hæc reddunt, quod earum defectus abstulerat, hæc præsentiam suâ Domino & agnatis adimunt, quæd prius absentia dederant; quod si interstitium mordet, quasi semper verum sit, in naturalitate natum esse, quod apud graves viros*
C ejus

ejus opinionem aggravent: Sed qui sunt isti Legibus & Imperatore graviores? Sit verum, in naturalitate natum; verum etiam est; legitimum factum esse, & ita quidem factum, ut ab aliis legitimis nihil differat. Itaq; veritas una per aliam non fictam, sed facti veritatem supprimitur, ut nihil nisi nudum factum supermaneat, effectu omni sublato, & potius imaginatio sit, quasi per somnum representata: Sic itaq; nullaratio est, que impulerit, aut impellere debuerit, dictum §. naturales de legitimatis per matrimonium scribere.

XXV.

Sed quid dicendum est de iis, qui per rescriptum Principis sunt legitimati, an in feudis succedant? Et quidem tales regulariter non succedere apparet ex cap. unic. §. naturales. 2. F. 26. Distincting, tamen inter feudum novum & antiquum. In feudo novo tunc demum succedunt, si ipse Dominus feudi eos expressè ad successionem velit admissos. In feudo verò antiquo non succedant, nisi consenserint illi, quorum subest præjudicium. Nam dum solos legitimè natos in literis investitura libus Princeps initio vocavit ad Feudum; ut postea legitimati spurii simul succedant cum iis, contra mentem ejusdem est. Struv. Synt. jur. feud. d. c. 94b. 3. n. 9. Welsenb. d. feud. c. 6. Cujus verban. 12. hæc sunt. *Sitamen pater curet à Principe legitimari filium non simpliciter, sed ut in feudis deinceps acquirendis succedat: cerè causa non est, quare non admittatur in iis, qua deinceps quasiturus est pater, per emptionem aut alium modum. Nulli quippè hic jus aufertur. At in feudis antiquis aut novis jam acquisitis secus videtur: cum hæc distinctione tamen, ut filius naturalis ad feudum antiquum legitimari non possit: ad feudum verò novum possit, sive jam antè quasitum sive post quarendum: quod obtinere potest in feudo novo acquisito, pro se duntaxat & liberis. Hi enim factum patris retractare non possunt.*

Masculis, quos à Feudi successione repulimus, foeminas jam subalternimus: Sic enim l. f. 1. §. 1. & potissime §. 3. Feudorum Placita ita habent: *Hoc autem notandum est, quod, licet filia, ut masculi, patribus succedant: Legibus tamen à Successione Feudi remouentur.* Ad quem textum Francisci Hottomanni in Comment. p. 139. in hoc laudo maximè, quæ hæc est. Feudæ ergo allodis opposuit (Feudista) hoc modo: *licet filia, ut masculi patribus succedant in allodis; legibus tamen Lotharii & Conradi Imp. à successione Feudi remouentur.* lib. 1. tit. 24. Cum hac expositione convenit Jacobi Cujacii lectio reformata hæc Tract. de Feud. lib. 1. tit. 1. *Hoc autem notandum est, quod licet filia, ut masculi, patribus succedant legibus, tamen à Successione feudi remouentur.* Cl. v. Conrad. Rittershus. in part. feud. lib. 1. c. 14. qu. 1. diverticulum facit; ac textum corrigit: *cujus verba bonâ fide cito hæc: Regula igitur esto: Fœmina in Feudo non succedit ex naturâ & conditione feudorum, tit. 1. lib. 1. Feud. in §. hoc autem notandum est. Vbi sic distinguendus est textus, qui vulgò perperam legitur: LICET FILIÆ, UT MASculi PATRIBUS, succedant LEGIBUS: hic accipe Legibus, quasi dixisset Feudista, iure Civili: intelligis autem cum alia juris nostri loca, cum l. 4. C. de liber. prater. & l. 14. C. de legit. hered. Quod si ita, ut vulgò, distinguas: LEGIBUS REMOVENTUR FOEMINÆ A SUCCESSIONE FEUDI, nullam poteris proferre legem, quâ hoc cautem sit, cum potius sit ius moribus introductum, quàm legibus aut jure scripto. Nominat quidem Hottom. LL. Lotharii & Cunradi, sed non probat. Hæc ille. Sed ut à communi lectione secedatur, nulla fontica causa est; ex vi enim & necessitate sermonis in d. §. 3. l. f. 1. palam sit, notabile quid JCtum indicare voluisse circa foeminis denegatam feudi successionem, quale verò hoc notabile, si ad primum occupationis membrum vocem LEGIBUS traheres, ac nudè poneretur, A*

FEUDI SUCCESSIONE FEMINAM REMOVERI DEBERE: res tanti momenti firmari debebat Legum Autoritate publicâ, ut cuius fœminæ innotesceret, hic sibi in feudo negatum esse, quod jure Romano indultum erat in allodio: ac in §. 3. d. 1. F. 1. adeò lucida sunt verba, ut obscurari non queant, promulgasse legem Cunradum Imperatorem de Vassallicâ succedendi potestate solis masculis competente. Deinde in §. 1. ejusd. tit. 1. verba hæc: *eo ventum, statutum, progressum, ac ita stabilitum est*, id importare videntur, quod nullatenus utentium moribus comprobatum fuerit, ut filij succederent soli: quæ enim consuetudo, quæ per annum tantum robore durat suo, & quæ consuetudo statuit, sancitque ab initio?

XXVII.

Sed quæ hujus juris fœmineo sexui invidentis feudalia bona successionis titulo adipiscendi ratio sufficiens esse videri poterat? quod communiter pro legum positivarum justitiâ adfertur, eandem quidem suis rationibus destitutas non esse, licet eadem non fugiant, id & hic obvertere possem autoritate Juliani in l. 20. ff. d. l. L. *non omnium*, dicentis, *quæ à majoribus constituta sunt, rariore reddi potest*: Sunt alii, qui altius philosophantur ac d. l. 20. non de se, sed de nobis loquentem introducunt, qui putamus, non prius legibus esse obsecundandum, quam de earundem rationibus cõstitere satis, id quod falsum deprehenditur. Quia lex est, cui omnes obtemperare convenit l. 2. D. d. l. Alii d. l. 20. de effectibus juris exponunt, quorum rationes sæpius nescimus. Sunt, qui eandem legem de arbitrio Legislatorum capiunt, qui in suis Constitutionibus multa sibi reservarunt, quæ nescire oportet subditos. Quicquid verò hujus sit, paratæ sunt rationes pro justitiâ jurium feudalium fœminas successuras excludentium. Mihi, Joh. Sichard. Comm. in Cod. ad Tit. 66. Lib. 4. L. 1. scribit, *videtur hæc fuisse ratio exclusionis fœminarum, quia per hoc conservantur familie; aliàs cum fœmina in alienas familias transcant, mutant nomen, domicilium: forum, & omnia pro ratione mariti, cui nubunt, ideo ut familie conserventur, voluerunt jura feudalia feudatim manere in agnatis: videmus enim unâ cum fœminis mutari omnia:*

omnia: quæ fuit causa ut Labeo Antistius putaret sororem, quasi seorsim eat, dictam. Hæc ille. Poterat hoc argumentum non abjectæ esse conditionis & farinæ, sed cum totum totum in præsumptione aliquâ consistat, & ex Tabulis Feudorum Consuetudinum non ostendatur, rem vix absolvet. Deinde honestas ac pudor naturalis prohibet, feminas catibus Virorum associari; hinc Cato apud Livium in suasionem Legis Oppiæ ait: Majores nostri nullam rem, ne privatam quidem, agere feminas sine autore voluerunt, ideoque in manu esse parentum & fratrum virorumque, ac illa de nihilo essent, quod feci et a Domini pandere viris magis, quam mulieribus conveniat. 2. F. 7. in vulgus autem notum est, quam hoc difficulter à feminâ sperari queat. Omnium verò maxima ac adæquata erit, quod feminæ ad defendendum Dominum in præliis ineptæ sint. Origo enim feudorum ex militiâ est, & nunquam ei annexum, ut plurimum militare, quale sexui muliebri minime convenit. Compendium fecit hujus prohibentis juris Ictus Cujacius Comment. lib. 1. Feud. tit. 1. *Notandum, dicens, agnatos vocari ad successionem Feudi, non cognatos: nam Dominus quidam Feudum, eligit sanguinem, familiam, stirpem generosam & fortem aliquam, nihil, minus vult, quam ut ad feudum invisentur, qui seorsim ab eâ familiâ nascuntur. Eadem mens & cogitatio Domini facit, ut agnati vocentur, non agnata, filii non filia, quia mores certiore generositatis fidem habent, & ut in optimo libro additur hoc loco, quia femina neque fidem levare, neque pugnam facere possunt, id est, quia bello gerendo faciendove idoneæ non sunt, & bellorum necessitas peperit feuda.*

XXVIII.

Remotas à feudi possessione feminas nobilissimas creaturas, nondum linquere visum mihi. Qui ex professo earum patrocinium in hac causâ suscipere cuperet, ita fortè argumentaretur.

Quæcunque feminæ bellicosæ sunt, & in bello superiorem suum tutari possunt, eæ dignæ sunt, ut ad feuda admoveantur.

Sed non tantum natio nobilissimarum Amazorum, sed & hodie

die ex bellicosis quibusdam populis secretae feminæ sunt bel-
 licae & in bello superiorem suam tutari possunt. E.
 Assumptionem probant & Historiarum monumenta, & superioris
 præsenti quæ seculi aliquot exempla martiarum foeminarum. Audi
 Justinum Trogi Pompeji Epitomatorem lib. 2. *Horum* (intelligit
 Scriptor duos regios juvenes Plinium & Scholpythum) *uxores,*
cum viderent exilio suo additam orbitarem, arma sumere,
finesq; suos summoventes primò, mox inferentes bella defendunt,
Nubendi quoq; finitimis animum omisere, servitutem
non matrimonium appellantes, singulare omnium seculorum
exemplum. Et insequentibus pergit. *Si qui mares nascerentur,*
interficiiebantur, virgines in eundem ipsum morem, non
otio, neq; lanificio, sed armis, equis, venationibus exercebant,
injustis infantium dexterioribus mammis, ne sagittarum
jaetus impediretur, unde Amazones dictæ sunt. Majorem
 Propositionem itidem è tripote petitam esse, vix dubitandum,
 quid enim, cujus auspicii bellum geritur, interest, an milite mare
 an foeminâ militet, vincatquæ: quique æquæ foemina, quæ rem
 benè gessit, ac masculum remunerari feudoribus possessionibus &
 poterat debebatquæ. Verùm enim verò, quoniam natio Amazonum
 ad temporatantùm Alexandri M. duravit, ipso fatente Justinino,
 imò sunt, qui totam hanc rem aut in dubium vocant, aut insi-
 ciantur, ipsæquæ quas superius & nostrum fortè peperit seculum,
 perpauca sint, frustra de iisdem pro consequendis feudis, disputa-
 tio instituitur: imò si rem penitiùs consideres, uti debebas, ob-
 jectio tota scopum non ferit. Questionis est, quare Feudorum
 Consuetudines ad feuda foeminas non admiserint? hic responde-
 ri minimè oportet, quod ante nata forsitan Feudorum jura & post
 ea bellatrices fuerint foemina, quæ suâ pietate æquæ ut mares fun-
 dos feudales meruerint: sed quos successores primi acquirentis
 sibi optarint spectandum est: jam si primos in Familiis Vassalli-
 cis acquisitores repræsentare tibi, ac ab iisdem interrogare posses;
 quibusnam feudis suis noviter acquisitis consulere cuperent: om-
 nines, ad unum puto, responderent Suis MASculis, quod ut
 se for-

se fortissimos, evasuros optarent, sperarentque sibi: jam feuda omnia antiqua ex illa primorum acquirentium mente ac cogitatione adhuc æstimanda sunt.

XXIX.

Et hæc ita regulariter, atque ex naturâ feudi procedunt, dantur tamen nonnulli casus, in quibus fœminæ quoque succedere possunt; sed ferè semper non nisi deficientibus masculis 1. F. 6. §. *quin etiam* 1. 1. F. 8. §. *filia* verò, ibi: *filii non extantibus*: ne semel exclusæ in perpetuum censeantur exclusæ per d. c. un. 1. F. 8. & c. un. 2. F. 17. *vers. non enim*. Inter casus autem istos, quibus fœminæ ad successionem hanc admittuntur, frequentiores ac principaliores sunt (1.) si feudum fuerit maternum & fœmineum. Quod aliis vulgò *Weiber oder Künckel* & *ehn* appellatur. (2.) Si eo pacto feudum per investituram datum sit, ut fœminæ in eo succedant 2. F. 11. 2. F. 50. cujus varii sunt modi ac formulæ. Pacta enim omnino sunt servanda l. 7. §. 7. *ff. de pact.* Et videtur tunc Dominus à jure feudali resiliisse, & fœminarum servitiis contentus esse, adeò ut non habeat, de quo queratur amplius. (3.) Mos regionis ac consuetudo loci efficit, ut fœminæ feudum accipere, & habere possint, quam consuetudinem valere minime dubitandum est, cum per eam ad jus commune & naturale redeatur. Addunt etiam Dd. casum, in quo fœminæ succedunt, quando sc. feudum est concessum ad servitium tale, quod æquè commodè & honestè per fœminam atque per masculum explicari potest. 2. F. 104. Nempè ut quis uxorem Domini comitetur, ut domi uxori Domini ministret. Quia verò in ordinariis capitulis nihil tale reperitur, merito hanc successionem fœmineam in medio relinquo.

XXX.

Sed num in feudo hereditario fœminæ successionem patere locus potest? de quo antequam, quid sentiam, dicam; oportet de feudo hoc hereditario aliquid præmittere. Placet, quod hoc sit, ubi eo modo succeditur, sicut jure civili in allodiali re; cui hereditario bene contradistinguitur Feudum ex Pacto & Providentiâ, ubi successio fit modo à jure feudali determinato. verbo; successio feudalis illa est, ubi tantum ratione sanguinis illi; qui primo feudum acquisivit succeditur. Civilis verò ubi vel ob cognationem vel ex

vel ex testamento succeditur; hæc civilis succedendi ratio, si Feudo per pactum opponatur, sit feudum improprium; hoc verò cum nihilominus feudum sit, adeo absque non est divisio hereditarii feudi, & quod est ex pacto sive contractu feudali & providentiâ primi acquirentis; & quidem hereditarium omnibus iis in locis, ubi feudalis successio pactis immutari potest, approbatur per text. 2. F. 11. ibi: *nisi ejus conditionis sit, vel eo pacto acquisitum* 2. F. 50. pr. & 2. F. 48. ubi dicitur: *Si quis eâ lege alicui feudum dederit, ut ipse & sui heredes, & cui ipse dederit, habeant. Respondeo, iste, qui sic accepit, poterit id vendere &c.* Formulæ verò quibus hoc feudum constituitur erunt fortè Sic tu rectorem Erbe alicui & suis heredibus quibuscunque, aut etiam heredibus tantum, si consuetudo sinat, feudum debere hereditarium intelligi. Struv. *Syn. jur. feud. cap. 4. th. 12.* Cum hæc igitur hereditarii feudi conditio sit, ut quoscunque heredes extraneos etiam admittat, ab eo nullatenus excludendæ sunt fœminæ.

XXXI.

Nondum satis de feudo hereditario; quod ad se & fœminas admittit, dixisse mihi videor: restat videre, an fœmina ob solum feudi hereditarii genium, qualitatemque succedat, an verò præterea speciali quoque pacto sit opus? Ut statuam, Pacto singulari opus non esse, moveor auctoritatibus textuum 2. F. 11. pr. & 2. F. 50. ubi feudum ex pacto discernitur per disjunctivam à feudo fœmineo, quo ipso placet, feudum fœmineum esse posse, etiamsi nominatim non convenit, ac proinde, uti pactum investiturae facit, ut fœmina feudi capax fiat, ita conditio ac affectio feudi, quod fœmineum est, ad ejus successionem fœmina vocanda erit; id quod & ex mente concedentis & acquirentis constare potest; si quidem, dum quis fœminam primitus investivit, cæteras sui sexus personas absque ullo alio adminiculo itidem habiles effecisse certò præsumitur: ac prima acquirens ad sui similes fœminas feudum transulisse videtur, res enim ex suis initis æstimatur quàm rectissimè. Adferunt Adversarii textum ex 2. F. 30. ex quo hoc axioma sibi commenti sunt. *Feudum fœmineum seu à fœminâ acquisitum, si non PACTO non descendit ad filias.* Sed verba textus prima præsentem mate-

materiam abundè probant, nempè in feudo *faminea* dum defecerit successor masculus, *famina* succedit absq. pacto. vide per allegatos textus 1. F. 8. §. 2. & 2. F. 17. Benè Generol. Schenck Baro ad d. 1. 30. lib. 3. tit. 8. n. 2. scribit. *Verùm aquior est prælibata opinio, & præsentì textu (meo iudicio) clarè aperteq; suffulta, quæ & nititur ratione: Quia, posteaquàm hoc feudum primavâ concessione radicatum fuit in personâ fæmina, iniquum aut contra mentem concedentis videri non potest, hoc in suâ originariâ qualitate ad fæmineam prolem propagari, cum rem quamq; suâ origine merimur & ad primordium tituli posterior formetur eventus.* vid. Hartm. Pistor. lib. 2. quæst. 34.

XXXII

Præcedens quæsitum premens gravissima, & quæ clarissimorum Jctorum ingenia exercuit, succedit quæstio: Num fæmina à feudi successione semel exclusa, ita exclusa sit, ut si mascula pro sapia extincta foret, nunquam ad feudum sit advocanda? Ne extra oleas, quod dicitur, evagandum sit, casuationem hanc præmitto. Quidam acquisivit feudum pro se & suis filiis & filiabus. Sohn und Echter in absteigender Linie/ acqvisitor decedit, relinquens filios & filias, filii recognoscunt feudum, illudq; recipiunt pro se & suis filiabus eodem modo, quo primus acqvisitor, qui postmodum interstitio aliquot annorum, omnes ac singuli è vitâ discedunt, nullis relictis filiis vel filiabus, ad successionem aspirant sorores primi acqvisitoris filiæ, disceptationis fuit, num quid semel exclusæ semper exclusæ sint habendæ, & ita ex capite reversionis Domino feudum cedat, an verò intuitu primæ investituræ nihilominus admittendæ? Dum Dd. hic terram contentionis reciprocant, cum iis conspiro, qui fæminas primi acqvisitoris filias, post extinctam stirpem masculam, quæ hætenus feudum possederat, admittunt; ubi primùm cito §. 2. 1. F. 8. ubi dicitur: *Tunc enim succedit filia, filiis non extantibus:* vides, jus fæminæ, quod vivâ altera feudfi possessrice stirpe masculâ in herbis erat, jam prodeat, & in actum erumpat. & textus 2. F. 17. abundè satisfacit huic cõtroversiz

D

proban-

probandæ, potissimè verò hæc verba: *Non patet locus fæminæ in feudi successione, donec masculus superest ex eo, qui primus de hoc feudo fuerit investitus.* Unde lubescit ita ratiocinari:

Ubi casus successionis fæminæ jure potentiâ competentis nondum contigit, ibi à successione hæc fæminæ exclusa esse nequit.

Atqui ob existentiam vasalli masculi, & ejus actualement successione, casus successionis fæminæ, jure potentiâ competentis, nondum contigit. Ergo.

Majorem ostendere conarer hoc modo: quod esse potentiâ excludat & neget quidem actum, interim tamen esse potentiâ dicatur, quod actu non est, possit tamen esse: hoc est, ut id ad hypothesein nostram transferam: Fæmina in feudo, existente masculo, habet jus potentiale, i. e. quod possit, remoto masculo, succedere; hocque jus negat quidem actualement fæminæ successionem adessente matre, si nunc removeatur mascula stirps, jam in actum productum est, quod antea κατ' ἐκπῆδα sese jus habebat, & potentia aderat. Minorem verò probo, quod existentia masculi sit ille obex firmus, qui fæmineam successionem claudit i. e. impedit: Claudit verò seu impedit non in perpetuum, sed ad tempus tantum i. e. quamdiu superstes est mascula prosapia. Hanc verò interpretationem mens ac intento feudum primò constituentis efflagitat, nam si fæminas oporteret perpetuò remotas esse, statim eo momento, quo ad feudum vocantur, seclusæ essent: ponas enim primum acquirerem filios tantum habere, tum non potest intelligi investitura etiam pro filiabus esse facta: habeat idem primus acquirens cum masculis filias etiam, hoc casu necesse est, in literis investituralibus ita prospectum esse fæminis, ut in defectum masculorum succedere possint, aut si formabis casum, quod, masculis præ patre morientibus, tantum succedere fæmellæ habeant, mortuo patre, in angustissimo loco coarctabis bonas fæminas, & casum tractas, quem solum contrahentes respexisse præsumptio nulla est.

XXXIII.

Vera quidem est sententia, quam th. præcedenâ tuitus sum. Sunt tamen, qui hic obloquuntur: sed sciant falsa non vera esse refutanda. Obijciunt verò Nomothesium nobis Mosaicam. Ubi

extante

extante filio arcebat filia hereditate, & in illius defectum eâ lege admittebatur, si de familiâ virum sibi sociaret, quandoquidem iudæi eo nitebantur, ut familiæ potius, quàm assessorî affereretur bona, in collateralî verò lineâ, prorsus summa erat. Numeri 27. v. 8. Ubi ita inquit Jehova: Homo cum mortuus fuerit, ^{ad filiam} ad filiam ejus transibit hereditas. Et v. 11. eritque hoc filiis Israel sanctum lege perpetuâ. 82. Distingv. inter legem Moralem & Forensem. Illa nos obligat. Hæc autem est vel absolutè talis i. e. lata super rebus mutabilibus & Reipubl. Judaicæ propriis. Vel fundamentum habet in lege morali, i. e. præcipit quædam de immutabilibus, Priori modo lex forensis nos non obligat. Sed posteriori modo est obligatoria, sc. quatenus fundamentum habet in lege morali. Deinde contradicteorem hæc opinio sortita est Janum ab Arcedura cap. 2. Conclus. feudali v. 11. an. 66. ubi hoc argumentum habet: ob 5. quintiam l. F. 6. junctâ clausulâ finali. *Quæ fæmina ita non admittitur, ut cæteris paribus & quoad eam feudum Domino fiat caducum, ea non tantum ab actu, sed ipso etiam potentiali jure succedendi remota intelligitur. Atqui talis est fæmina per masculî existentiâ non admissa. Ergo &c.* Vox igitur ULTERIUS, etsi ad ordinem successionum referatur, & ex aliis textibus interpretanda dicatur, hic tamen ex clausula declaratione totalem significat exclusionem, & tanquam definita hic non est aliunde determinanda, & ut maximè distinctio fingi possit inter exclusionem à jure & ab actu, eam tamen jura feudalia non agnoscunt: quin potius remotum ab actu, ab omnipotentia repellunt, impedimento etiam cessante argumento clerici 2. F. 30. in fin. & deinde ex n. 72. p. 176. pergit: *Mover me ultra prædicta, quod radix istius feudi, unius masculî admisione, qualitate masculinâ infecta sit, ut fæminam ferre amplius nesciat.* Hæc ille. Quanquam apud eundem plura alia reperiantur argumenta, quibus meam occidere satagit sententiâ, in præfenti tamen adductis dubiis contentus esse volui. Dum in capita digero

objectiones, primū occurrit, quod jure Feudali remotum ab actu
 à potentiā etiam remotum sit, cessante etiam impedimento: de
 quo consulto primū disquirendum est, cū totius Arceduræ
 Disputationis *negotiorum* esse videbatur, ac cui ut fundamento Syl-
 logismum suum Autor superstruxit: Deinde quod vox ULTERIUS
 l. F. 6. §. 2. totalem ac perpetuam exclusionem notet: ac tertio
 demū, quod semel admissa mascula proles ferre fœmineam ne-
 queat, ignoretquē. Hæc dumpro ingenioli modo refutare ten-
 to, præfiscinē dico, me solius juris asserendi causā, non con-
 tradicendi studio hoc oneris suscepisse. Quod primū atti-
 net, semotum nempe ac actu, etiam semotum esse à poten-
 tiā. Hoc in nostro casu propter rationem temporis diversi
 non procedere existimo: siquidem quamdiu masculi supersint,
 fœminæ quidem ab actu excluduntur; interim tamen potentia
 succedendi ipsis minimè denegatur. Quando enim remove-
 tur mascula stirps, nihil impedit, quo minus ad successionem
 adniteantur. Deinde verbum ULTERIUS in d. l. l. F. 6. §. 2.
 valdè ipsi aridet: audiamus textum: *Quin etiam, si quis eo te-
 nore feudum acceperit, ut ejus descendentes masculi & fœ-
 mina illud habere possint, relicto masculo, ULTERIUS Fœ-
 mina non admittuntur. & §. fin. d. l. 6. & his omnibus casti-
 bus feudum admittitur & ad dominum revertitur.* Ulterò
 fatendum est, quod fœmina, relicto masculo successore, ulterius ad
 feudum admitti non debeat, hæc ulterior exclusio, vivente mascu-
 lo, non est perpetua ac totalis, sed temporaria ac partialis; ille ipse
 d. §. 1. ius aliquod fœminis potentiale transcribit, id verò frustrā
 & dicis gratia positum esse nequit, nisi ludere Magnates credas,
 dum investituras fœminis etiam largiuntur: Quid obstat igitur,
 quò minus dictorum verborum laudato §. 1. hunc intellectum for-
 mes: Fœminæ ultra masculos non admittuntur. Verba mea fa-
 cio, quæ sunt CL. Georg. Obrechtii *de jure feudorum lib. 2. c. 14. n. 54.*
Non admittitur fœmina, quam masculus impedit, quò minus
succedat, nam quia fœmina, non nisi deficiente masculo suc-
cedere potest, certè si adest masculus, fœmina pro illà vice ad
successionem admitti nequit, & consequenter pro illà tantum
vice

vice à successionē excluditur: non autem idcirco etiam à jure succedendi excluditur, quia impedimento sublato, masculo nimirum deficiente, adhuc in feudo rectè succedit, hoc enim & generalis successionum natura, & forma investitura requirunt. Ceterùm clausula finalis in d. t. 6. lib. 1. his verbis prolata: ex his omnibus casibus feudum amittitur, & ad dominum revertitur, non ad §. 1. sed 2. mutus, referenda est: ac hinc ad Syllogismum, quem proposuit Janus ab Arcedurâ, responsio erit. Ultimum Jani ab Arcedurâ telum, non est telum, cum in masculæ profapix arbitrio locatum non sit, auferre fœminis competitura jura, ac incongrua videtur locutio, quod mascula proles ferre nesciat fœmineam tum temporis, ubi mascula in vivis esse desit.

XXXIV.

Non minus fœram contentionis reciprocant Dd. An fœmina, non existente masculino; ad successionem feudi semel admittâ, superveniente postea masculino, à feudi possessione rursus removeri debeat? Et non removeri, sed eam feudum, toto vitæ suæ tempore retinere debere, communis & recepta est Dd. observatio. Jura enim feudalìa fœminas ab acquirendo quidem feudo remonent, sed non ab acquisito 1. F. 6. §. *quin etiam.* 1. F. 8. §. *filia.* 2. F. 11. §. *ad filias.* 2. F. 17. & 50. Jam hoc per successionem fœminæ adquisitum jus perpetuum & irrevocabile est factum 2. F. 51. §. *similiter.*

XXXV.

Uterius quæritur: An fœmina in feudo franco succedat. Negando: quia generaliter placitis feudorum definitum est, fœminas à feudi successionē arceri. 2. F. 11. §. 6. 50. Isti igitur regulæ stant, donec in specie quid exceptû doceatur. Obj. cessante causâ, cessat legis dispositio, in feudo franco cessat, h. e. servitia non præstantur militaria, propter quæ fœmina à feudo rejicitur. E. cessat legis dispositio, & per consequens fœmina succedit. Etiam si una

und darauff allenthalben in unsern Landen also erkant und gesprochen werden.

XXXVIII.

Sed quid de imperfectis dicendum est; & hos plerumque non succedere affirmo, *sive sint imperfecti animo*, quales sunt furiosi & mente capti, eo quod ipsi servire non valent, 2. F. 36. Quibus tamen prodigum minimè annumerandum puto, cum servitia ipse non minus, quàm cetera fidelitatis contenta præstare possit, etiam si libera bonorum administratio penes curatorem ejusdem remaneat. *Sive corpore*, quo referendi sunt surdi, muti, cæci, claudi, 2. F. 36. 1. F. 6. §. *mutus*: Qui textus, licet nihil dicant de mente imperfectis, tamen ad hos, propter identitatem rationis, quod scilicet ipsi servire non valeant, possunt applicari. Dn. Struv. *syn. d. loc. th.* 10. Idem judicium est de eo, qui manum debilitatam, aut aliud membrum ad servitia præstanda habet inutile. Rosenth. *c. 1. conclus.* 15. n. 6. *in fin.* Quia feuda dantur propter servitium i. e. ut Vasallus juvet Dominum in præliis. Quod servitium & officium cum non possit habere locum in manco, jure cessabit beneficium, quod datur propter officium. Sichard. *ad C. lib. 8. tit. 53. l. 1. n. 7.*

XXXIX.

Hos autem omnes, qui naturâ ita comparati sunt, à successionē feudi removendos esse, existimo, non autem eos, qui tardè loquuntur, audiunt, aut ambulant §. *item surdus* 3. *Inst. quib. non est perm. fac. testam.* Deinde distinguitur inter eos, qui perpetuo tali vitio laborant, & qui vitio temporali utuntur. Cum illi toto vitæ suæ tempore servitia feudo consentanea præstare nequeant, omninò removendi erunt. Hi verò neutiquam, quoniam non solum ante Domino fideles fuere, verum etiam cessante malo, comoda Domini promoveri possunt. Denique videndum, an tale corporis vitium post feudum acquisitum, an verò ante supervenerit. Priori casu feudum tali imperfecto non est auferendum: quia jure feudali nullibi reperitur expressè cautum, ut hoc casu imperfectus feudum amittere debeat. Quin potius contrarium est.

servit, quia non potuit. Obstat enim non propria voluntas, sed fortunæ calamitas. Itaque concludo, post acquisitum feudum id non amitti, si vassallus imperfectus factus est, sed posse eum per substitutum feudalia servitia præstare. Obr. d. loc. n. 49. Huic etiam sententiæ non contradicit jus Saxon. Wird ein Kind geböhren (inquit text. in art. 4. lib. 1. specul. Sax.) stumm / sinn- oder witzlos / oder blind / oder sonst unvollkömlich / an seinem Leibe / das ist wol Erbe zum Landrecht / aber nicht zum Lehnrecht. Hätte aber ein Mann Leben empfangen / ehe er so gebrechlich worden wäre / das verleußt er damit nicht. Der auffällige Mann der empfähet gleicher weise auch kein Leben noch kein Erbe / hat er aber das empfangen vor der Geburt / und wird darnach siech / er behält es / und vorerbet es auch als ein ander Mann.

XL.

In feudis maritus uxori non succedit propter text. 1. F. 15. 2. F. 13. Ratio est: quia pacto investituræ, ex quo tota ratio successionis feudorum manat, ejus, qui feudum accepit, posterius seu liberi soli comprehensi intelligantur. Quod si aliud cautum sit investituræ, nihil prohibet, quo minus secundum ejus tenorem, conjux conjugi in feudo succedat.

XLI.

Circa hoc thema occupatur. An etiam fiscus succedat? Jure quidem communi omnibus aliis cognatis & conjugibus deficientibus fiscus in hereditate vacante succedit l. 4. C. de bon. vacant. Jure feudali verò hæc in parte nulla fit successio, sed Vassallo, sine legitimo herede defuncto, Dominus feudi succedit, seu potius feudum revertitur tam de jure feudali communi c. un. v. et si clientulus 1. F. 13. 2. F. 9. quàm Saxonico Lehenr. c. 6. Quemadmodum de hoc jure etiam in rebus expeditoriis Vassalli, sine filio & agnatis defuncti dominus feudi, ad quem sc. feudum revertitur, fisco præfertur. Et quando defunctus varia habuit feuda, tum quilibet dominus eas expeditorias, quas in feudo suo invenit, lucratur Landr. lib. 1. art. 28. tit. 6.

XLII.

Tertius succedendi ordo est Collateralium, qui deficientibus descendantibus in feudo succedunt, venientes à primo acquirente, dummo-

dummodo ejusdem sint agnationis & Familix 2. F. 11. *v. quod ita intellig.* 2. F. 50. *v. ex latere omnes.* Estquè ratio, quia Dominus feudum concedens, eligit familiam fortem & generosam, iisque feudum concedere vult, qui ex istà familià sunt. Et hoc tantum procedit in feudo antiquo & paterno, non verò in feudo novo. Ita ut in feudo novo, inter collaterales descendentes, frater fratri primo acquirenti regulariter non succedat 1. F. 8. §. *ult.* 1. F. 20. etiamsi eadem investiturà comprehensus fuerit. Hub. Giph. *ant. jur. feud. Diss.* 5. §. 43. Struv. *d. l. th.* 4. Ratio, quod frater fratri sine liberis decedenti in feudo non succedat, licet communiter id acceptum sit, sumi potest ex primæ vâ successione, quæ solum masculorum descendendum erat. In feudo verò novo frater pro descendente non habetur.

XLIII.

Nisi (1.) speciali pacto id actum sit, ut frater succedat 1. F. 20. ibi: *nisi per investituram.* 2. F. 12. ibi: *nisi facta fuerit eo pacto.* Et tunc nihil interest, an ambo fratres simul sint investiti, nec ne, sed utroque casu secundum pactum frater fratri, sine descendenti-
bus mortuo, succedit, per text. 1. F. 20. Quia pacta dant legem contractibus. (2.) Si feudum sit ex communibus bonis paternis, vel alijs ex communi pecunià, utriusque nomine, sciente domino acquisitum, 1. F. 20. ibi: *vel nisi beneficium.* (3.) Si steterint in simul h. e. vel in casà communi cohabitarint, vel omnium bonorum, pro indiviso socii sint. (4.) Si fratres feudum in hostem regis acquisierint 1. F. 20. ibi: *vel in hostem.* h. e. si fratribus cum Domino in castris, equis & armis communibus, adversus hostem militantibus, à Domino, hanc communionem non ignorante, simul sit concessum.

XLIV.

Collaterales autem sunt vel descendentes vel ascendentes: Descendentium sunt fratres, tam p. mani, quàm consanguinei, qui pariter de iure feudali sunt. 1. F. 11. *v. quod ita intellig.* 2. F. 50. *v. ex latere omnes.*

stipite & sanguine primi acquirētis descendisse 2. F. 11. v. *quod ita intellig.* Struv. *Synt. d. loc. c. 9. th. 6.* Verūm, quod diximus consanguineos cum fratribus germanis succedere, id tantūm locum habet in feudo masculino, non etiā fœminino. e. g. Titius ex primâ uxore jam mortuâ unum habet filium. Postea secundūm ducit uxorem, quæ à majoribus feudum fœmineum possidet, ex eaquē duos procreat filios, qui cum filio primæ uxoris sunt fratres consanguinei. Sicut autem, secundâ uxore mortuâ, cum illius duobus filiis in feudo primæ uxoris filius non succedit, etsi sint consanguinei: ita quoque si unus ex secundæ uxoris filiis sine liberis moritur, frater, ex primâ uxore natus, non succedit in feudo cum superstitē fratre secundæ uxoris, licet inter se sint consanguinei: quia feudū à secundâ & non à primâ uxore provenit, & quia successor ab illius semper stipite descendere debet, qui primū feudum acquisivit. Obr. *d. jur. feud. lib. 2. c. 16. n. 25.* Secus est de jure Civili, ubi in successione Collateralium, utrinque conjuncti præferuntur fratribus, ex altero tantūm parente conjunctis. Idē, quia utrinque conjuncti utuntur duplici jure, sive vinculo conjunctionis, à patre sc. & matre, per *auth. itaq. C. commun. de success.* Unde est, quod talis prærogativa fratrum utrinque conjunctorum non extendatur ultra ipsos fratres, eorumquē liberos. *Auth. cessante C. de legit. hered. vid. Christ. Zob. Diff. 17. part. 3. n. 13.*

XLV.

Ex his, quæ hætenus tradita sunt, lucent capit & illa quæstio. Si cum liberis primi gradus, liberi ulterioris gradus, h. e. Nepotes ex filiis primi gradus præmortuis, & Neptes, Pronepotes, Pronepotesquē ac cæteri descendentes defunctorum Parentum concurrant, an cum illis seu patrui in stirpes, an verò in capita succedant? Eorum sententiæ ad stipulor, qui affirmant, eos in stirpes succedere. Neque sine ratione; quia locum patris sui assumunt. per *Novell. 118. cap. 1. §. cum filius 6. Inst. de hered. qua ab intest. deser.* tantamquæ hereditatis partem accipiunt, quantam pater eorum unâ cum aliis fratribus suis, si viveret, accepisset. Idquē fieri videmus jure Representationis, quo liberi ulteriorum graduum in priorum deficientium locum veniunt, & cum proximioribus in stirpes succedunt, ita ut plures personæ habeantur pro unâ. Nec obstat huic

huic juri representationis regula, quod proximior in gradu remotiorem excludat. §. *si plures* 5. *Inst. de legit. agnat. success.* Nam ea in aliis successuum ordinibus, in quibus jus representationis locum non habet, firmiter subsistit, in hoc tamen Descendentium ordine locum non habet, ob jus illud representationis, quod in hoc descendentium ordine non tantum ad Nepotes & Pronepotes, sed ad omnes descendentes in infinitum extenditur. Idem quoque obtinet de jure feudali, quo similiter jus Representationis in Nepotibus masculis in infinitum locum habet, per text. in c. *unic.* ibi: *loco sui Patris de success.* Feudi 1. F. 8.

XLVI.

Haud inconvenienter disquiritur: Si duorum fratrum filii soli sint, an patruo defuncto in capita, an verò in stirpes succedant? In capita illos succedere in feudis de jure verior est sententia. Hærit. Zoel. *in prælect. feud. c.* 10. n. 45. Ubi enim est paritas graduum, ibi representatio locum non habet. Representare enim est in locum alterius succedere. §. *cum filius* 6. *Inst. de hered. quæ ab intest.* Sed in hoc casu est paritas graduum. Fratrum enim filii pari gradu à patruo distant. E. pari quoque jure h. e. in capita succedent eidem. Quamquam enim sint impares numero, pares tamen sunt sanguinis vinculo. Quot igitur nepotum capita, tot etiam hereditariæ portiones. Schenck Baro *lib.* 1. *tit.* 8. Struv. *all. loc. th.* 6. Non obstat, quod dissidentes objiciunt. Jus id vetus postmodum per Novell. 118. c. 3. mutatum esse. Unde de Jure Justiniano recentiore priorem sententiam non locum habere. Id ipsum siquidem negatur. Jus representationis quidem tribuit fratrum liberis Justin. verum non indistinctè, sed limitatè ac definitè, videlicet tunc, quando isti cum propriis *beis* (patruis, avunculis, amitis, materteris §. 3. *Inst. de grad. cogn.* cum enim parentes liberis sint quasi *beis*, patruis & avunculis appellati sunt *beis*, amitis & materteris *beis*) concurrunt d. c. 3. v. *si autem, vers. sed & ipsi*. Unde tolle conditionem, & ipsa cessabit representatio, ac consequenter successio in stirpes. Nullaque

Et legis. l. consanguinitatis 3. C. de legis. hered. introducebat. Unde Imper. volebat consulere fratrum liberis eo casu, quo antea per jus commune negligebantur. Hinc Privilegium & Beneficium indigitatur in d. c. 3. Ne tamen fieret injuria patris, omnino tantum loco suorum parentum, & sic jure representationis eos succedere æquum erat. Non enim tum è propriis personis vocari poterant. Quando autem sunt soli, tum antea iis de antiquiore jure satis prospectum erat, de quo è propriis personis viriliter succedebant, sicquè beneficio aliquo novo non indigebant. Et imò, si Imper. eos per representationem hoc casu succedere debere voluisset, beneficium iis ademisset, neque in favorem ipsorum, sed odium id fecisset. vid. Magnif. Dn. Strauch. Coll. success. ab intest. Diss. 5. th. 12.

XLVII.

Demum successio in stirpes tantum ibi locum habet, cum ad eos, qui è defuncti stirpe h. e. sobole ac progenie sunt, hereditas defertur d. 5. 6. *Inst. d. hered. qua ab intest.* Sed fratrum filii ex patru stirpe ac progenie non sunt. Igitur etiam hereditas illius in stirpes dividi non potest.

XLVIII.

Graduum autem computationem ex jure Civili non Canonico instituendam esse arbitror. *per c. un. §. hoc quoque, sciendum 4. debui quisend. dar. post. 1. F. 1. ibi: Beneficium advenientes ex latere ultra fratres patruales non progreditur successione, secundum usum ab antiquis sapientibus constitutum. junct. c. un. 1. F. 8. ibi: Olim observabatur usque ad quartum gradum tantum. Unde liquet aperte, fratres patruales, jure feudali, quanto gradu à se invicem distare; quæ est computatio quoque juris Civilis §. quare gradu 4. *Inst. de grad.* qui de jure Canonico distant gradu secundo c. ad sedem 2. *Verf. filij fratrum. caus. 35. qu. 5.* Neque locum habere potest responsio Fachin. ad textus istos: quasi non de uno eodemque casu sint intelligendi. Satis enim aperte refutatur per ipsa verba, quæ utrobique loquuntur de Successione, & quidem ex jure antiquo. Unde textus 1. F. 8. non potest intelligi de jure recentiore. ob particulam olim. Probat idem verba seqq. utriusque textus, quibus illud, quod antiquitus observabatur ad gradum usque quartum, extenditur ad gradum septimum usque. Nec desunt mihi alii textus; expressis enim verbis dicitur 2. F. 37. *eion ordinem graduum servari debere in successione feudali, qui continetur in legibus, h. e. civilibus 2. F. 1. §. legum autem Roman. & text. 1. F. 1. §. hoc autem, ibi: patribus succedant legibus. h. e. juris Civilis præsertim, quia aliàs, quoties legum absolutè sit mentio, id per excellentiam de legibus Romanis intelligendum est §. sed jure quid. *Coste 2. Inst. d. 1. N. G. & C.* Consule Magnif. Dn. Strauchium, Affinem, Dominum atque Patronum meum omni obsec. vanta colendum *Colleg. success. ab intest. Diss. 2. th. 20. & Schinob. Dissus. Feud. 7. th. 20.***

SOLI DEO GLORIA!

UAM523403